

† De parte	120
De non	5
Non sincere	3

29') Et il Serenissimo se levò et contradixé, dicendo: « Non è più obedientia in questa terra. Questi compagni vol venir con ziponi d'oro et zoie, cosa mai più fatta, i qual è stà in Collegio a dimandar licentia di portarle per questa volta. Alcuni di Collegio li favoriva, et nui li dicessemo che per niente non volevemo dargela, et che semo quarto avogador. *Hoc non obstante* sono venuti a Conseio, el Signor in vesta d'oro, e loro con ziponi d'oro e calze recamade con perle etc.; cosa che non è da soportar. Poi le donne si prepara venir con vesture d'oro, perle grosse, zoie de gran precio etc., e chi non ha il modo vorà far il simile con danno di mariti etc. ». Persuadendo il Conseio a non voler prender la parte, e che drio de questa metteranpo l'altra parte di dar licentia a le donne etc. Et mandata la parte, volendo sier Zuan Contarini savio a Terra ferma andar in renga et parlar su la parte, zà il Serenissimo havia ballotado et molti altri, sicchè non fu lassato parlar. Andò la parte: 3 non sincere, 5 di no, 85 di sì et 120 di no. E fo preso di no.

Fu fatto 4 di XX Savi a tansar, in loco de li infrascritti che mancano, sier Beneto Valier andà conte a Cataro, sier Marco Gabriel è di la Zonta dil Conseio di X, sier Domenego Capello intrà del Conseio di X, et sier Michiel Morexini intrà proveditor sora l'Arsenal, et 5 di rispetto. Il scurtinio sarà qui sotto scritto, zoè da questo altro ladi.

Fu posto, per li Consieri, Cai di XL e Savi, atento le deposition di sier Alvise Foscari, sier Alvise Barbaro et sier Domenego da Mosto, stati proveditori a Ravenna, di boni portamenti verso il Stado nostro di domino Hironimo Ruzini dotor, da Ravenna, citadin, pertanto li sia dato provision de ducati 12 corenti per paga a la Camera di Vicenza, a page 8 a l'anno. Ave: 160, 22, 10. Fu presa.

Fu posto, per tutto il Collegio: Ha servito la Signoria nostra Hironimo Bagna da Zara con fradelli 4 in questa guerra et in Dalmatia et, hesendo in campo, per sier Tomà Moro proveditor zeneral li fo cressuto ducati uno provision per paga, sichè havia ducati 8, pertanto sia preso, l'habbi ducati 5 a la Camera di Zara a page 8 a l'anno. 139, 13, 16. Fu presa.

(1) La carta 23' è bianca.

Di sier Zuan Diedo proveditor zeneral in Dalmatia, date a Come quelli polizani con le sue barche fanno assà danni a quelle rive di turehi, et è capitano uno, chiamato Versaicho, dalmatin etc. E in consonantia scrive sier Marco Manolesso, conte et proveditor a Liesna, di danni el fa a nostri et subditi dil Turco.

Di sier Vincenzo Salamon proveditor sora le legne, mandato per il Conseio di X, date a Cherso. Scrive provision fatte, e come ha trovà uno bosco, volze 4 mia, dil qual si haverà 70 milia passa di legne.

Di sier Piero Orio patron a l'Arsenal, date in Albona. Scrive di leguami trovadi per l'Arsenal et operation soe fatte in Histria, *ut in litteris*.

Fu posto, per tutto il Collegio, non era Savi ai Ordini, atento la suplicazion di Federico Bertolazi, condutor de l'incanto del scoio di Luibo, e de li heriedi del qu. Antonio suo fradello, per il scoio di Solvo, i qual per il morbo stato a Zara è ruinati, pertanto sia preso pagi fra termine de mexi 6, *ut in parte*. 179, 4, 8.

Scurtinio di 4 ordenarii sora le tanse, et 5 di rispetto, dil numero di XX. 29*

Sier Nicolò Salamon el proveditor al Sal, qu. sier Tomà	93.96
— Sier Lorenzo Falier fo al luogo di Procurator, qu. sier Tomà	127.67
— Sier Filippo Capello fo consier, qu. sier Lorenzo	125.69
— Sier Alvise Loredan fo proveditor a le Biave, qu. sier Antonio	129.60
† Sier Alvise Minio fo podestà e capitano in Cao d'Istria, qu. sier Bortolomio	136.57
— Sier Santo Trun è di la Zonta, qu. sier Francesco	127.66
Sier Simon Lion è di Pregadi, qu. sier Tomà	119.74
— Sier Andrea Marzello fo bailo e capitano a Corfù, qu. sier Giacomo	123.67
† Sier Marco Zantani fo proveditor al Sal, qu. sier Antonio	141.50
Sier Stefano Memo è di Pregadi, qu. sier Zorzi	101.92
Sier Zuan Moro fo proveditor in armada, qu. sier Antonio	102.92